

UČEŠĆE JAVNOSTI U IZRADI ENERGETSKE STRATEGIJE BIH

26 March 2007

„Učešće javnosti u izradi energetske strategije” naziv je upravo započete kampanje od strane grupe nevladinih organizacija iz BiH. Zvanični početak kampanje je obilježen 28. marta 2007. akcijama u 10 mjesta (Banjaluka, Sarajevo, Tuzla, Konjic, Doboj, Ključ, Lopare, Stolac, Mrkonjić Grad i Bihać) u okviru kojih su aktivisti udruženja uključeni u kampanju dijelili informativne materijale građanima, ali su isti dostavljeni i predstavnicima zakonodavnih i izvršnih vlasti na lokalnom, entitetskom i državnom nivou.

Direktni ciljevi kampanje «Učešće javnosti u izradi Energetske strategije BiH» su slijedeći:

- informisanje građana o potrebi strateškog planiranja u oblasti energetike i načinima učešća javnosti,
- otvaranje dijaloga o energetske strategiji BiH između udruženja građana, stručnjaka u oblasti energetike i predstavnika državnih i entitetskih institucija nadležnih za planiranje razvoja energetskog sektora u BiH,
- informisanje građana o energetske efikasnosti i obnovljivim izvorima energije, globalnim trendovima u rješavanju problema obezbjeđivanja dovoljnih količina energije i zaustavljanja klimatskih promjena. Na ovaj način želimo da motiviemo i uključimo što veći broj građana, udruženja i stručnjaka, zainteresovanih za pitanja energije, te da kroz učešće u procesu izrade energetske strategije postavimo temelje za održivu energetske budućnost Bosne i Hercegovine.

Inače, kampanja se provodi u sklopu projekta „Jačanje uloge NVO za životnu sredinu/okoliša u Bosni i Hercegovini” koji provodi Centar za životnu sredinu iz Banjaluke. Osnovni cilj projekta je jačanje uloge NVO u procesima donošenja odluka i saradnja između vladinih institucija i NVO sektora u pitanjima životne sredine/okoliša u BiH. Jedan od najvažnijih podciljeva projekta je podizanje svijesti građana o životnoj sredini/okolišu.

Partneri sa kojima Centar za životnu sredinu provodi kampanju su: Ekotim, Fondeko i Heinrich Boll Fondacija (Sarajevo), Centar za ekologiju i energiju (Tuzla), Ekološka koalicija Unskog sliva (Bihać), Zeleni Neretva (Konjic), Ekološki pokret Zelenkovac (Podrinje), Troya (Stolac), Eko-Leonardo (Priboj), Eko-pokret Zelenih (Ključ) i Tolerancijom protiv različitosti (Doboj).